

Alþingi
Erindi nr. P 131/22
komudagur 8.11.2004



**VERSLUNARRÁÐ
ÍSLANDS**

ICELAND CHAMBER
OF COMMERCE
Stofnað 1917

SAMTÖK
VIÐSKIPTALÍFSINS

Nefndasvið Alþingis
Efnahags- og viðskiptanefnd
b/t Stefáns Árna Auðólfssonar, nefndarritara
Austurstræti 8 - 10
150 Reykjavík

Reykjavík, 8. nóvember 2004

Efni: Frv. til l. um br. á l. nr. 50/1988 um vsk. (159. mál).

Verslunarráð Íslands þakkar nefndinni fyrir það tækifæri að fá að veita umsögn um ofangreint frumvarp sem felur í sér að heimiluð verði samskráning á virðisaukaskattskrá skráningarskyldra hlutafélaga og einkahlutafélaga að uppfylltum ákveðnum skilyrðum. Verslunarráð vill gera eftirfarandi athugasemdir við frumvarpið:

Ákvæði frumvarpsins um samsköttun er of þröngt að áliti Verslunarráðs. Hér skal vísað til þess að einungis þau félög sem eru skráningarskyld hafa þessa heimild, þ.e. þau félög sem hafa fengið heimild til frjálsrar skráningar t.d. vegna útleigu á fasteign falla utan ákvæðisins.

Eins og að framan segir eru það einungis skráningarskyld félög sem geta óskað eftir samskráningu. Þetta þýðir að félögum sem hefur verið skipt upp vegna mismunandi starfsemi, þar sem starfsemi er skráningarskyld í einu félagi en undanþegin í öðru vegna skiptingarinnar munu ekki geta fengið samskráningu.

Verslunarráð veltir einnig fyrir sér hvernig fer með félög sem eru í blandaðri starfsemi. Mun hlutfallstala innskatts verða miðuð við hlutfallið af skattskyldri starfsemi í samstæðunni eða verður engin breyting þar á?

Samkvæmt 4. mgr. frumvarpsins bera félögin óskipta ábyrgð á virðisaukaskatti hvors annars. Þýðir þetta að hægt verði að gera fjárnám í eignum allra félaganna vegna vangoldins skatts? Verslunarráði þykir slíkt úrræði ganga of langt og telur að skipt ábyrgð sé nægjanleg.

Þar sem öll félögin í samskráningunni verða samábyrg fyrir skattinum, telur Verslunarráð ekki koma skýrt fram hverjir beri refsíábyrgð samkvæmt virðisaukaskattslögum eftir slíka breytingu,

Póstáritun:
Verslunarráð Íslands
Húsi verslunarinnar
Kringlan 7
103 Reykjavík

Sími: 510 7100
Bréfsími: 568 6564
Netfang: mottaka@chamber.is
Website: www.chamber.is



þ.e. hvort t.d. framkvæmdastjórar allra félaganna beri óskipta refsíabyrgð eða einungis framkvæmdastjóri móðurfélagsins.

Í athugasemdum í greinargerð frumvarpsins segir að skráningin taki einungis til skyldubundinnar skráningar skv. 5. gr. laganna en ekki frjálsrar eða sérstakrar skráningar á grundvelli 6. gr. laganna. Verslunarráð telur að slíkt ákvæði þrengi verulega að samskráningu sér í lagi þar sem innan félagasamsæðna eru oft rekin sérstök fasteignafélög utan um fasteignir til nota fyrir rekstur annarra félaga innan samstæðu.

Virðingarfyllst,
f.h. Verslunarráðs Íslands,

Sigprúður Ármann